

卷之四

漢書地理志補注卷二十

常熟 吳卓信 編纂

濟陰郡

方輿紀要——亦梁地今山東曹州至東昌府之濮州  
是其地 按漢——今山東曹州府之荷澤城武鉅野  
定陶四縣及濮州皆其地

故梁景帝中六年別爲濟陰國

水經注漢景帝以濟水出其北東注于定陶置濟陰國指  
北濟而定名也

宣帝甘露二年更名定陶

地理志稽疑濟陰故屬秦碭郡楚漢之際屬楚國高帝五

年屬漢以屬梁國景帝六年別爲一一國武帝建元三年爲郡宣帝甘露二年更爲定陶國黃龍元年復故成帝河平四年復爲定陶國哀帝建平二年復故漢書顏注拾遺按諸侯王表景帝以中六年封梁孝王子不識爲一一王始有一一之稱故地志云一一故梁景帝中六年別爲一一國不識立二年而薨無後則是國已除矣其時或仍屬於梁或立爲郡志不之詳也又云宣帝甘露二年更名定陶是又爲王國矣其時以封王子囂後徙王楚迨元帝永光八年徙王子山陽王康爲定陶王是爲共王王子欣卽哀帝旣入繼大統立楚思王子景爲定陶王奉共王後二年徙景王信都如淳曰不復爲定陶王立後者哀帝

自以己爲後故哀帝崩無後徵立中山孝王之子衍爲帝是爲平帝其時王莽擅權與傅丁爲仇之際定陶國之廢必在斯時故續志云一一治定陶劉昭補注惟以郡故梁景帝分置爲言而其顛末亦不暇詳也獨怪班氏旣詳建國之始乃遺立郡之由不幾犯張冠李戴方鑿圓柄之誚耶

禹貢菏澤在定陶東

禹貢導菏澤被孟諸東出於陶邱北又東至於菏水經注濟水又東北菏水出焉水上承濟水於濟陰縣東又東逕陶邱北尙書所謂導菏水自陶邱北是也又云濟水自定陶縣東北又東至乘氏縣西分爲二南爲菏水北爲

濟瀆 師古曰荷音和 括地志荷澤在曹州濟陰縣東  
北九十里定陶城東今名龍池亦名九卿陂 元和志荷  
澤在曹州濟陰縣東北九十里故定陶城東北其地有荷  
山故名其澤爲荷澤 通典荷澤在濟陰縣東北九十里  
傳寅曰說文云荷澤在山陽湖陵正與孔傳同而班固  
以爲在定陶何也蓋在定陶者其澤也在湖陵者其流也  
其流東與泗合正在單州之魚臺魚臺在單州東北百里  
而近正古湖陵地也而孟諸在睢陽東北則所謂被諸孟  
者導荷流之在定陶魚臺間者以被之於南也 方輿紀  
要荷澤在今曹州東南三十里舊志云濟水西自河南考  
城縣界來會于荷水東入武城縣界今涸 禹貢錐指荷

澤在陶邱之東北相去不遠濟水伏流至陶邱北上奮馳  
波跳沫東北匯於荷澤又東北鉅野至琅槐入海者爲濟  
瀆其一枝東南流至湖陵入泗者後人目之曰荷水漢志  
湖陵縣下云荷水在南者是湖陵今爲魚臺縣地也許慎  
云荷澤在湖陵而謂澤之下流入泗者亦未爲誤自孔傳  
襲其文曰荷澤在湖陵遺一水字則在湖陵者爲澤矣口  
釋至於荷又增一水字曰荷澤之水則定陶之荷澤與湖  
陵之荷水無別矣酈道元時孔傳已盛行故宗其說言尙  
書有導荷澤之說自陶邱東至於荷水又以湖陵入泗爲  
澤水爲鍾而不知此特荷澤之下流其所鍾則在定陶也  
且豫州導荷澤被孟豬乃導澤水之餘波南入于孟豬非

謂東入南至湖陵入泗之菏水酈乃混而爲一種種糾繆皆爲孔傳所誤說禹貢者當以漢志爲正經文三菏字皆以澤言在定陶與湖陵無涉也 又云菏之爲澤也濟貫其中大半是濟所匯酈注云卽沛水之所包注以成湖澤是也然亦必有旁源酈注所謂五丈溝寰宇記稱爲五丈河者卽旁源也正菏水之首末也按曹州志荷山在州東南三十里以近荷澤而言蓋澤本名荷後人因澤以名其山也說者謂菏水出荷山非是據酈注荷水分濟于定陶東北此卽經所謂濟水東至乘氏縣西分爲二南爲菏水北爲濟瀆者也乘氏故城在今鉅野縣西南然曹州之東境亦兼得乘氏地州東南與定陶接界荷澤在焉注所謂

定陶東北卽經所謂乘氏縣西也但不言荷澤爲疎漏耳  
菏水只是荷澤分流酈以所出之五丈溝爲菏水蓋雜採他說而有此謬元和志因目魚臺之菏水曰五丈溝而程泰之據以爲菏水之首末正當如此皆非地志水經之菏水起乘氏訖湖陵之本意也  
屬兗州縣九

定陶寬句呂都葭密成陽鄆城句陽棧乘氏

定陶

史記始皇本紀二世二年章邯等破項梁—— 又項羽  
本紀沛公項羽攻——未下 又越世家范蠡止于陶自  
謂陶朱公徐廣曰今之濟陰定陶也 又穰侯傳秦昭王

封魏冉于穰復益封陶索隱曰卽——也 本書高帝紀  
五年以魏故地封魏相國彭越爲梁王都—— 又云五  
年二月甲午漢王卽皇帝位于汜水之陽張晏曰東濟陰  
界取其汜愛宏大而潤下也師古曰據叔孫通傳云爲皇  
帝於定陶則此水在——是也汜音敷劍反 水經注濟  
水又東北逕——縣故城南側城東注縣故三驪國湯追  
桀伐三驪卽此 又云菏水東北出於定陶縣北屈左右  
合汜水汜水西分濟瀆東北逕濟陰郡南呂忱曰水決復  
入爲汜昔漢祖既定天下卽帝位於汜水之陽汜水之名  
於是乎在矣其水又東北合黃水枝渠又合菏水而北注  
濟瀆也 又云北濟水又東北逕——縣故城北又東北

與濮水會

史記正義——今曹州城也

通典今曹州

所理濟陰縣卽漢濟陰郡城亦——縣之地

寰宇記——

——故城在今曹州濟陰縣東北四十七里

大清一統志

——故城在今曹州府——縣西北四里

故曹國周武王弟叔振鐸所封

史記曹世家武王克殷封叔振鐸於曹宋忠曰濟陽——

縣 鄭氏詩譜曹者禹貢兗州陶邱之北地名今濟陰——

——是也其封域在雷夏菏澤之野夾於魯衛 春秋世族

譜曹姬姓文王子叔振鐸之後武王封之陶邱今濟陰——

——縣是也魯哀公八年爲宋所滅 元和志古曹國在今

濟陰國縣東北四十七里故——是也自曹叔至伯陽凡

十八葉爲宋所滅

禹貢陶邱在西南

禹貢東出于陶邱北 爾雅釋邱再城爲陶邱郭注今濟陰——城中有陶邱邢疏邱形上有兩邱相重累者名陶邱李巡曰再成其形再重也 說文陶再成邱也在濟陰从阜甸聲陶邱有堯城堯嘗居此故號陶唐氏 釋名陶邱于高山上一重作之如陶竈然也 帝王世紀舜陶於河濱卽禹貢之陶邱今濟陰西——是也 水經注濟水屈從定陶縣東北流又東逕陶邱北黑子以爲釜邱卽竹書紀年魏襄王十九年薛侯來會王于釜邱者也 國都城記——城中高邱卽古之陶邱 括地志陶邱在濮州

甄城西南二十四里 元和志今曹州理中城蓋古之陶邱也一名左城 禹貢錐指漢志言陶邱在——縣西南而郭璞言在城中蓋其時郡徙西南包陶邱而爲城耳今縣則又徙於東北故陶邱與漢城皆在西南也 大清一統志陶邱在今——縣西南七里

陶邱亭

帝王世紀——西南有陶邱亭 按水經注引此文亭下有在南二字是也

寃句

水經注濟水又東北逕——縣故城南呂后元年封楚元王子劉執爲侯國 又云北濟水自濟陽縣北東北逕煮

棗城南郡國志曰——縣有煮棗城卽此也又東北逕——縣故城北 師古曰句音劬 元和志今曹州——縣本漢舊縣 史記正義——在今曹州西四十七里 寰宇記——縣有寃水縣之得名以此 集韻寃卽古寃濮句卽須句縣處其間因名焉 方輿紀要——城在今曹州西南四十里 大清一統志——故城在今曹州府荷澤縣西口 按史記封禪書絳侯世家及本書王子侯表靳歙傳並作寃胸盧縮傳及晉志並作宛句古通用也史記孝武紀又作宛侯本書郊祀志又作冕侯冕卽寃之譌侯句聲相近也 莽改定陶曰濟平

按後漢書耿純傳父艾爲莽濟平大尹則莽嘗改濟陰郡爲濟平矣此云王莽改定陶曰濟平當是改郡名爲濟平也

寃句縣曰濟平亭

呂都

水經注北濟水又東北逕呂都縣故城南 肇域記按恩澤侯表周呂令武侯呂澤高祖六年封索隱曰濟陰有——縣又呂后稱制封呂產爲梁王更名梁爲呂都於此縣因得名後省入寃句 方輿紀要——城在曹州西南二十里或曰高后割濟南郡爲呂國封呂臺爲呂王此其所都也後因置——縣 大清一統志——故城在今曹州



府荷澤縣西南州志云今名——集在縣西南三十里

葬曰祈都

葭密

竹書紀年幽王十三年魯季孫會晉侯於楚邱取——遂

城之 史記田齊世家威王以田忌爲將大破魏師於——

——水經注濮水又東逕——縣故城北 師古曰葭音

家 寰宇記——故城在今乘氏縣卽魯元公所取者

肇域記今曹州府荷澤縣西北二十五里有——寨 大

清一統志——故城在今曹州府荷澤縣西通志云在縣

西南二十五里府志云今名——寨

成陽

史記秦本紀昭襄王十七年——君入朝 本書高帝紀

沛公西略地道碭至—— 又曹參傳擊王離于——南

水經注雷澤東南卽——縣故史記曰武王封弟季載

于成應劭曰其後乃遷于成之陽故曰成陽也高祖封奚

意爲侯邑 隋志東平郡雷澤曰舊曰——開皇十六年

置 括地志濮州雷澤縣本漢——縣古邾伯國也在州

東九十一里 元和志今濮州臨濮縣本漢——縣地

胡三省通鑑注——縣與定陶濮陽皆相近非城陽國之

城陽也 方輿紀要——城在今曹州東北六十里 大

清一統志——故城在今曹州府濮州東南或作邾又作

城皆非是

有堯冢靈臺

本志論風俗昔堯作遊——如淳曰——在定陶師古曰作游者言爲宮室遊止之處也 呂氏春秋堯葬穀林述征記——縣東南有堯母慶都墓上有祠廟堯母陵俗亦名靈臺大母 皇覽堯冢在濟陰成陽 帝王世紀堯葬濟陰——西北四十里是爲穀林 水經注——城西二里有堯陵陵南一里有堯母慶都陵於城爲西南稱曰靈臺鄉曰崇仁邑號修義皆立廟堯陵東城西五十餘步爲中山夫人祠堯妃也 後書和帝紀延光二年使使者祠唐堯於—— 括地志堯陵在濮州雷澤縣西二里雷澤本漢——縣 元和志堯陵在雷陵澤縣西二里堯母

廟在縣西南四里 文獻通考曹州東北有堯冢 日知錄宋神宗熙寧元年知濮州韓鐸言堯陵在雷澤縣東穀林山林南有堯母慶都靈臺廟請敕本州春秋致祭置守陵五戶免其租奉洒掃從之而集古錄有漢堯祠及堯母祠碑是廟與碑宋時猶在也然開寶之詔帝堯之祠乃在鄆州意者自石晉開運之初黃河決於曹濮堯陵爲水所浸乃移之高地乎而後代因之不復考正矣 大清一統志堯陵在河澤縣東北五十里舊雷澤城西與濮州接界高四丈五尺廣二十餘丈上有廟 按後漢堯母碑文云堯母慶都感赤龍而生堯慶都仙歿蓋葬于茲欲人莫知名曰靈臺上立黃屋堯所奉祠據此則靈臺乃堯母冢也

禹貢雷澤在西北

禹貢雷澤既澤澠沮會同 鄭康成尚書注雷夏兖州澤澠水沮水相觸而合入此澤中 水經注瓠河故瀆自句陽縣西又東逕雷澤北雷澤在大一故城西北一十餘里其陂東西二十餘里南北一十五里卽舜所漁也 括地志雷夏澤在濮州雷澤縣郭外西北 元和志澠沮二源俱出雷澤縣西北平地去縣十四里雷夏澤在縣北郭外澠沮二水會同此澤 後山談叢瓠子在雷澤黃河故道今呼爲沙河沙河西北其跡猶在土人謂之瓠岡也 金史地理志濮州甄城縣有雷澤鎮舊縣也 方氏通雅舜漁雷澤正一一之雷澤而周處風土記乃以吳之太湖

大雷山小雷山當之誤矣 禹貢雖指據水經注雷澤在瓠河之南一一故城之西北陶墟之西南歷山之東北澠沮皆濟水所出於河無與也 四書釋地雷澤下流未知何在大抵不南注濟則北注濮濮亦終歸於濟也 大清一統志雷澤在今曹州府濮州東南按荷澤縣界

鄆城

春秋莊十四年單伯會諸侯于鄆杜注鄆衛地今東郡一也 又十五年復會于鄆 又十九年公子言及齊侯宋公盟於鄆 又襄十四年衛獻公如鄆 左傳昭二十一年衛公孟彊與齊豹狎奪之事寇與鄆 又哀十七年衛侯自鄆入 史記趙世家成侯十年攻衛取鄆 又田齊

世家威王九年趙伐我取鄆 又宣王八年與魏惠王會

鄆 說文鄆衛地今濟陰 一 从邑聖聲 水經注河水

又東逕 一 縣北故城在河南岸十八里河上之邑最為

險固 師古曰鄆音工掾反 後書荀彧傳注 一 一 今濮

州甄城縣也今作鄆音絹 通典今濮州所理 一 一 縣本

漢舊縣 大清一統志 一 一 故城在今曹州府濮州東二

十里

莽曰鄆良

句陽

春秋桓十二年公會宋公燕人盟于穀邱傳作句瀆之邱

杜注穀邱宋地句瀆之邱即穀邱也 水經注瓠子水東

至濟陰 一 一 縣為新溝注云瓠河故瀆又東逕 一 一 縣之

小城陽北 水經注濮水又東與溝瀆會首受濮水枝渠

于 一 一 縣東南逕 一 一 縣故城南春秋之穀邱也左傳以

為句瀆之邱縣處其陽故以氏焉 師古曰句音鈞 通

典漢 一 一 故城在今曹州乘氏縣北左傳盟於句瀆之邱

是也 寰宇記 一 一 故城在乘氏縣北三十五里

方輿紀要穀邱在今曹州府曹縣北三十里 春秋傳

說會纂今曹州北有 一 一 古城即句瀆故地 大清一統

志 一 一 故城在今曹州府荷澤縣北舊志云今名 一 一 店

按左傳襄十九年執公子牙於句瀆之邱二十一年執

公子買于句瀆之邱哀六年內王豹于句瀆之邱皆齊地

非一一也又左傳莊九年殺子糾於生竇杜注生竇魯地  
史記作笙瀆賈逵曰卽句瀆也亦非此地

祀

說文廡从广秝聲濟陰有廡縣 孟康曰一音妬在濟陰

城武今有亭 晉書地道記成武有一城 水經注瓠河

又東逕一縣故城南 元和志一縣故城在今成武縣西

北二十九里 大清一統志一縣故城在今曹州府城武

縣西北 按功臣侯表武帝封商邱城昭帝封金日磾並

卽此縣

莽曰萬歲

水經注一縣故城王莽之萬歲也世猶謂爲萬歲亭

乘氏

戰國策張儀謂魏王曰齊伐趙取乘邱 史記周本紀安

王三年三晉伐楚至乘邱而還 博物記一一古乘邱

水經濟水又東至一一縣西分爲二注云濟水自是東北

流出巨澤南爲滄水北爲濟瀆 水經注濮水又東北逕

鹿城南郡國志曰濟陰一一縣有鹿城鄉春秋僖公二十

一年盟於鹿上也濮水又東與句瀆會句瀆又東入乘

氏縣左會濮水與濟同入鉅野 元和志今曹州一一縣

水漢舊縣 寰宇記一一故城在鉅野縣西南五十七里

肇域記舊曹州本漢之一一縣 方輿紀要一一城在

今曹縣東北五十里 大清一統志一一廢縣在今曹州

府鉅野縣西南 又云酈注濟水至一一西分爲二其一  
 南流者卽菏水其一東北流入鉅野澤則濟瀆也又云逕  
 一一縣與濟渠濮溝合是南濟爲瀆北濟爲渠也二水至  
 鉅野始合又合濮水自此不分南北通謂之濟水故瀆矣  
 濟多伏流今自定陶以西遺跡多湮 按王子侯表孝景  
 中元五年封梁孝王子買爲一一侯卽此非春秋公敗宋  
 師於乘邱之地詳見泰山郡乘邱縣下

菏水

舊作泗水誤

東南至睢陵

屬臨淮郡

入淮

水經注菏水分濟于定陶東北東南逕一一縣故城南地  
 理志郡國志並云一一縣有泗水此乃菏澤也尙書有導  
 菏澤之說自陶邱北東至於菏無泗水之文 禹貢錐指  
 按泗水不經是縣酈元云此乃菏濟卽所謂菏水分濟於  
 定陶東北者也志以其下流合泗而于一一縣卽謂之泗  
 是猶以泗之下流合菏而于卞縣卽謂之菏也可乎不可  
 乎班氏徃徃有此失 地理志稽疑據水經注乃是菏水  
 非泗水也泗水見魯國卞縣下 漢書商榷睢陵屬臨淮  
 郡今爲睢寧縣治非泗水入淮處蓋班氏誤以菏水爲泗  
 水耳

過郡六

過濟陰山陽沛楚東海臨淮六郡

行千一百一十里

漢書地理志補注卷二十一

常熟 吳卓信 編纂

沛郡

說文邳沛郡从邑市聲 方輿紀要——今南直徐州鳳陽府泗州宿州淮安府邳州皆是 按漢——今安徽鳳陽府之懷遠鳳臺靈璧三縣及宿州潁州府之蒙城縣及亳州泗州之五湖縣又江蘇徐州府之蕭豐沛三縣又河南歸德府之鹿邑夏邑永城三縣又山東兗州府之滕縣皆其地

故秦泗水郡高帝更名

本書高帝紀秦泗川監平將兵圍豐文潁曰泗水今——

也師古曰泗川郡川字或爲水其實一也 晉書地理志  
漢改泗水曰沛郡 水經注始皇二十四年置泗水郡  
地理志稽疑按泗水郡楚漢之際屬楚高帝二年始屬漢  
四年更名

莽曰吾符屬豫州縣三十七

相龍亢竹穀陽蕭向銓廣戚下蔡豐鄆譙蘄埭輒與山桑  
公邱符離敬邱夏邱汶沛芒建成城父建平鄧粟扶陽高  
高柴漂陽平阿東鄉臨都義成祁鄉 漢書商權周勃傳  
勃東定楚地泗水東海郡凡得二十二縣泗水卽沛郡今  
地志沛東海二郡共有七十三縣蓋元始時漢新置之縣  
比秦已多再倍有餘又云降太原六城今地志太原凡二

十一縣亦比秦多再倍有餘又云定雁門郡十七縣雲中  
郡十二縣今地志雁門十四縣比舊反少三縣雲中十一  
縣比舊反少一縣又云定代郡九縣今地志代郡十八縣  
則比舊多其半又云定上谷十二縣右北平十六縣遼東  
二十九縣漁陽二十二縣今地志上谷十五縣比舊多三  
縣右北平十六縣數適相符而遼東止有十八縣漁陽止  
有十二縣比舊反少甚多又高帝紀十年趙相國昌奏常  
山有二十五城今地志常山屬縣僅十八比舊反少七縣  
靳歙傳降邯鄲郡六縣今地志趙國卽邯鄲郡屬縣僅四  
比舊反少二縣其分割之詳不可考矣

相



戰國策黃歇說秦昭王曰魏氏將出而攻銍碭蕭相故宋必盡 史記高祖紀司馬卮將兵北定楚地屠一 又曹相國世家定一 水經注睢水又東逕一縣南故宋地也 又東逕一縣故城南宋其公之所都也國府園中猶有伯姬黃堂基卽伯姬焚死處城西有伯姬冢一亦睢水之別名也應劭曰縣以水名 又云過水又屈東逕一縣故城南其城界小實中邊詔老子碑又云老子楚一縣人也一縣虛荒今屬苦故城猶存在灑游鄉之東過水處其陽疑卽此城也自是無郭以應之 魏書地形志一縣有一山 括地志故一城在今徐州符離縣西北九十里 元和志故一城在今宿州符離縣西北九十里蓋相土舊都也

寰宇記故一城蓋卽相土所居後因名之宋其公自睢陽徙都此城唐入符離縣今在虹縣西北 寰宇通志一城在鳳陽府虹縣西北卽商之先相土所居 方輿紀要一山在宿州西北九十里山甚危峻一縣蓋因山名也 大清一統志一縣故城在今鳳陽府宿州西北

莽曰吾符亭

龍亢

晉灼曰亢音岡 晉書音義亢古郎反 十三州志山桑縣人俗貪僞好持馬鞭行邑故語曰沛國一一至山桑詐託旅使若奔喪道遇寇鈔遂失資糧 水經沙水又東南過一一縣南注云沙水逕一一縣故城北又東南逕白鹿

城北而東注也 水經注過水又東南逕——縣故城南  
 寰宇記——故城在今宿州蘄縣南八十里 方輿紀  
 要——城在鳳陽府懷遠縣西北八十五里過水之陽  
 大清一統志——故城在今鳳陽府懷遠縣西縣志云——  
 城俗名柴王城今為——集在縣西北七十五里

竹

史記曹相國世家定竹邑 李奇曰——今——邑也 續志  
 國志——邑故——水經注睢水又東南逕——縣故城南  
 後書彭城靖王傳注——邑故城在今徐州府符離縣——邑  
 或為邕字傳寫之訛也 寰宇記朝斛城西南七十里  
 有——邑故城 大清一統志——邑故城在今鳳陽府宿州北

舊志云在州北二十五里

莽曰篤亭

穀陽

應劭曰在穀水之陽 水經注渙水又東逕——縣又東  
 逕——城南又東南逕——縣故城東北又云解水東北  
 流逕——城南即穀水也又東北流注于渙 寰宇記——  
 故城在今蘄縣東七十里 大清一統志——故城在  
 今鳳陽府靈臺縣西南舊志云在縣西南七十五里 按  
 功臣侯表有——侯馮定即此史記作穀陵

蕭

左傳莊十二年宋萬弑閔公羣公子奔——杜注——宋邑今

沛國一縣 又僖三十年介人侵一杜注一宋附庸國  
又宣十二年楚子伐一一潰 史記項羽本紀項王乃西  
從一晨擊漢軍 又曹相國世家定一 北城記一城周  
十四里南臨沛水 水經獲水又東過一縣南睢水北流  
注之注云一縣南對山世謂之一城南山戴延之謂之同  
孝山取陽城侯劉德所居里名目山也城東西南三面側  
臨獲水獲水又逕同孝山北山陰有楚元王家 元和志  
今徐州一縣本古之一國春秋時宋邑秦置爲縣漢因之  
大清一統志一縣故城在今徐州府一縣西北  
故蕭叔國宋別封附庸也

按今徐州府一縣北十里有小城卽今宋之一邑光武封  
蕭王卽此考新唐書宰相世系表宋戴公生子衍字樂父  
裔孫大心平南宮長萬有功封于一以爲附庸自是遂爲  
國莊二十三年一叔朝公穀梁云微國之君未爵命者至  
宣十二年爲楚莊王所滅然楚滅之而不能有還爲宋邑  
襄十年楚子囊鄭子耳伐我西鄙還圍一克之定十一年  
宋公之弟辰入于一以叛是仍爲宋邑之明證也

向故國春秋曰莒人入向姜姓炎帝後

春秋隱二年莒人入向杜注一小國也譙國龍亢縣東南  
有一城 京相璠曰一沛國縣今并屬譙國龍亢也 水  
經注北肥水又東南逕一縣故城南俗謂之圓城非也  
師古曰音餉 大清一統志一故城在今鳳陽府懷遠縣

東北四十五里 日知錄春秋隱二年莒人入向桓十六年城向宣四年伐莒取一襄二十年仲孫宿會莒人盟於向一之名也四見于經而杜氏於隱二年注云譙國龍亢縣東南有一城于宣四年注云一莒邑東海承縣東南有一城疑遠竊以爲其實一地也先爲國後并於莒而或屬莒或屬魯則以攝乎大國之間耳東海承縣固遠而龍亢在今鳳陽之懷遠則更遠矣惟于欽齊乘言今沂州西南一百里有小城鎮者庶幾近之 春秋地理志考實按春秋襄十四年諸侯會吳於一杜注鄭地按十三國大夫會吳于一地當近矣此當爲龍亢之向杜以爲鄭地則是尉氏之一矣非也

銓

史記秦本紀百里奚曰臣嘗游困而乞食一人正義一音珍栗反地名在沛縣 又陳陟世家葛嬰攻一下之水經注渙水又東逕一縣故城南又東苞水注之 師古曰一音竹邑反 史記正義音珍栗反 後書徐防傳注一縣故城今亳州臨渙縣也 大清一統志故一城舊志云在今鳳陽府宿州西南四十六里

廣戚

水經注泗水又東南逕一一縣故城南城在沛縣東北魏書地形志留縣有一一城 後書姜肱傳注一一故城在今徐州沛縣東 通典徐州沛縣卽漢一一故城 方

輿紀要——故城在今沛縣東北四十里 大清一統志  
——故城在今徐州府沛縣東北

侯國

本書王子侯表——陽侯勲成帝河平三年以楚孝王子  
封

莽曰力聚

下蔡故州來國為楚所滅後吳取之

春秋成七年吳入州來杜注州來楚邑淮南——縣是也

左傳昭十三年吳使延州來季子聘於上國杜注季子

本封延陵後復封州來故曰延州來 宋玉登徒子好色

賦惑陽城迷下蔡 水經注淮水又北逕——縣故城東

淮之東岸又有一城即——新城也二城對據翼帶淮濱

元和志今潁州——縣本漢舊縣古蔡國又吳州來之

邑也 名勝志——廢縣在今壽州北三十里之——鄉

方輿紀要硤石城在壽州西北二十五里硤石山上南

岸相對淮水經其中硤石東北即——城是也 大清一

統志——故城在今鳳陽府鳳臺縣北舊志云——鎮在

壽州西北三十里 按杜元凱注州來即——今為江南

鳳陽府壽州即壽春也自成七年吳入州來至昭四年然

丹城州來以脩吳其後迭屬吳楚二十三年雞父之戰楚

師大奔州來遂為吳有封季札於此為延州來季子自是

入郢之禍兆矣蓋吳爭之七十餘年而後得至哀二年吳

遷蔡於州來謂之——由是壽春城在淮之南——城在淮之北相去三十里夾淮為固翼蔽淮濱歷東漢至南北朝迭為苦戰之地汴采南渡以——為北壽春而壽春縣為南壽春劉錡楊沂中敗劉麟猷於此今壽春治即古壽春縣城為楚考烈王所築州北三十里有蔡國城即下蔡矣

至夫差遷蔡

舊說蔡字誤

昭侯於此

左傳哀二年吳洩庸如蔡聘因襲之蔡侯哭而遷墓冬蔡遷於州來謂之下蔡

後四世侯齊竟為楚所滅

史記蔡世家侯齊四年楚惠王滅蔡侯齊亡蔡遂絕祀

豐

史記高祖紀到——西澤中止飲 又樊噲傳擊泗水監——

下破之 本書高帝紀沛——邑中陽里人也 封禪書高

祖初起禱——粉榆杜 文頴曰梁惠王孫假為秦所滅轉

東徙于——故周市謂雍齒曰——故梁徙也 續郡國志——

西有大澤高祖斬白蛇於此 水經注泡水又逕——西澤

謂之——水又東逕——縣故城南又東合黃水時人謂之狂

水蓋狂黃聲相近俗傳失實也自下黃水又兼通稱矣

後書牟融傳注——今徐州——縣 通典今徐州——縣漢高

帝所生邑亦舊縣 輿地廣記一縣本秦泗水郡沛縣之  
一邑漢高帝生於此後以為縣 名勝志舊志云中陽里  
在今一城東北有坊高祖廟在焉盧綰與高祖同里故中  
陽里又有燕王宅 大清一統志一縣故城即今徐州府  
一縣治本秦沛縣之一邑

莽曰吾豐

鄆

水經注苞水又東逕一縣故城南東流入渙一音多 通  
典今濮州鹿邑縣漢一縣地 九域志鹿邑縣有一城鎮  
大清一統志一縣故城在今歸德府鹿邑縣西南七十  
里縣志云今為一城集 地理志稽疑沈炳巽曰漢書周

緜傳景帝中元年封子應為一侯蘇林音多寒反讀如邯  
鄆之鄆也 史記周緜傳亦引蘇音則但曰音多漢志引  
孟康之音亦曰多蓋脫去寒反二字也丁度遂造為當何  
反之音以附會之觀水經注所引則六朝本已如是不始  
於小顏小司馬矣

莽曰單城

水經注作留城 宋祁曰單當作留 地理志稽疑沈炳  
巽曰水經注作留城宋祁亦曰單當作留蓋承六朝誤本  
以莽所改之單城為留城之謬若作留音則又添一疑綱  
矣

譙

左傳僖二十三年楚成得臣帥師伐陳遂取焦城頓而還  
杜注焦今一縣也陳邑 又襄元年晉以諸侯之師伐陳  
遂侵楚焦夷 史記項羽本紀口嬰攻一下之 水經注  
過水又東逕一縣故城北沙水自南枝分北逕一城西而  
北注過過水四周城側 元和志今濮州郭下一縣本漢  
舊縣故一城在今宋州下邑縣北三十一里 寰宇記一  
郡城古之焦國城也後改爲一 寰宇通志漢一縣在今  
鳳陽府亳縣城內中街北 大清一統志一縣故城卽今  
潁州府亳州治 按史記周本紀武王封神農之後于焦  
注引本志弘農陝縣有焦城故焦國不知陝縣之焦乃姬  
姓神農之後爲姜姓其非一地可知通典云亳州理焦縣

周武王封神農之後于焦卽此得之矣

莽曰延成亭

蕪

史記高祖本紀秦二世元年陳勝等起一 又楚世家王

負芻四年秦將王翦破我軍于一而殺將軍項燕 蘇林

曰一音機又音祁 水經注一水又東南逕一縣縣有大

澤鄉陳涉起兵於此篝火爲狐鳴處也南則後水出焉

又云渙水又東南逕一縣故城南 晉書音義一音祁

後書杜喬傳注一今徐州一縣也 通典今徐州一縣秦

舊縣陳涉起一卽此地有一水 元和志今宿州一縣本

秦舊縣一水去縣三十里 集韻沛郡有一縣或從蕪



寰宇通志一縣在鳳陽府宿州南四十六里秦置 方輿  
紀要一城在宿州南三十六里楚邑也一水在廢一縣南  
東流入虹縣境 大清一統志一縣故城在今鳳陽府宿  
州南舊志云今爲一縣鄉有一鄉集  
番鄉高祖破黠布

晉灼曰番一縣鄉 徐廣曰番鄉在一縣西 師古曰番  
音直恚反 按史記高祖紀云擊布軍會甄本書高帝紀  
云破布軍於會缶今據本志沛郡一縣有番鄉顏民音直  
恚及卽此會甄也隸書垂似缶故高紀譌爲缶字耳孟康  
讀會爲僧保之僧蘇林曰缶音番是也

都尉治莽曰蕪城

址

水經注渙水又東南逕一城南汶水注之 續志作虹

廣韻址音絳 師古曰一亦音貢 元和志今宿州虹縣

本漢舊縣虹音貢漢書作一 方輿紀要一縣城在今鳳

陽府虹縣西七十里 大清一統志虹縣故城在今泗州

五河縣漢置一縣後漢改曰虹唐貞觀十三年移於夏邱

城卽今虹縣而故城遂廢 按左傳昭八年大蒐于紅自

根牟至於商衛革車十乘杜注紅魯地沛國蕭縣西有紅

亭疑遠根牟魯東界琅邪陽都縣有牟鄉商宋地魯西境

接宋衛也今據傳云自根牟至於商衛商卽宋也豈魯

于近宋之鄙而蕭縣魯亦有其地歟續志沛國有紅縣卽

紅亭劉昭注引地道記謂大蒐在此非也魯之南不得至  
徐州也 又按本書王子侯表孝景元年封楚元王子富  
爲紅侯索隱曰紅卽虹縣

莽曰貢

輒與莽曰華樂

山桑

水經沙水又東南過——縣北注云——故城在渦水北  
沙水不得逕其北明矣經言過北誤也 水經注渦水又  
東左台北肥水北肥水出——縣西北澤藪東南流左右  
翼佩數源異出同歸蓋微脈涓注耳東南流逕——邑南  
俗謂之北平城又東逕——縣故城南俗謂之都亭城非

也今城內東側猶立山亭傑立陵阜高峻十三州志所謂  
山生於邑其地有桑因以氏縣者也 後書王常傳注——

——今亳州縣 元和志蒙城縣有檀公城檀道濟所築本  
——縣城 寰宇記——故城在今蒙城縣北三十七里

文獻通考——城在今蒙城縣北三十六里有亭基存  
高峻若陵阜然 大清一統志——故城在今潁州府蒙

城縣北四十里

公邱故滕國周文王子

舊作懿王子誤

錯叔繡所封三十一世爲齊所滅

杜預左傳注滕國在沛國——縣東南 春秋世族譜滕

姬姓文子錯叔綉之後武王封之居滕今沛郡一一縣是也 水經注一一故城在滕縣西北城周二十里內有子

城按地理志即滕也齊滅之秦以為縣 師古曰左氏傳

云郈雍曹滕文之昭也系本亦云錯叔繡文王子而此志

云懿王子未詳其義 史記索隱滕不知本封蓋軒轅氏

子有滕姓是其祖也後周封文王子錯叔綉于滕故宋史

云今沛國一一是滕國也 元和志一一故城在今徐州

滕縣東南十五里夏侯嬰初為滕令故號滕公此時高祖

未立屬縣故滕為秦縣至武帝改為一一縣始屬沛郡

肇域記滕縣西南十五里有古滕城周文王子叔繡所封

秦為縣漢夏侯嬰為令號滕公因秦舊也後置蕃縣屬魯

國至武帝復分置一一縣屬沛郡 大清一統志滕國故

城在今兗州府滕縣西南十四里秦為滕縣漢為一一縣

侯國

本書王子侯表一一夷侯順武帝元朔二年以魯其王子

封

符離

戰國策冷向日楚南有一一之塞 史記陳涉世家一一

人朱雞石 又游俠傳一一人王孟 魏書地形志斛城

縣有扶離城即一一也 水經注睢水又東逕一一縣故

城北 後書高詡傳注一一故城在今徐州一一縣東

通典今徐州一一縣秦漢舊縣 元和志宿州一一縣本

秦舊縣漢因之爾雅莞一一也以地多此草故名縣南臨  
 汴河有埭橋為軸轡之會 方輿紀要一一廢縣在今宿  
 州北二十五里故楚邑今名一一集 大清一統志一一  
 故城即今鳳陽府宿州治離邑在州北五十里產一一草  
 爾雅所謂莞也漢以此名縣 按史記功臣侯表武帝元  
 狩四年封路博德為一一侯漢表作邳離注云朱虛誤也  
 據驃騎傳博德本封一一則史表是矣

莽曰符合

敬邱

應劭曰春秋過於犬邱明帝更名太邱 水經注睢水又  
 東逕太邱縣故城北故一一也漢明帝更從今名 後漢

經

書注一一故城在今永城縣西北 寰宇記一一故城在

今鄴縣東北七十里 大清一統志一一故城在今歸德

府永城縣西北三十里

侯國

按王子侯表武帝元朔三年封魯其王子政為瑕邱侯據  
 本志瑕邱屬山陽郡然不云侯國疑為一一之誤

夏邱

水經注淮水又東逕一一縣南又東渙水注之 又云潼

水南逕一一縣絕斬水又逕一一縣故城西 又云斬水

又東入一一縣東絕潼水逕一一縣故城北 後書陶謙

傳注一一故城今泗州虹縣是 方輿紀要一一城在今

鳳陽府虹縣東一里漢縣治此相傳堯封禹爲夏伯此其  
故邑縣因以名 大清一統志——故城卽今鳳陽府虹  
縣治 按本書王子侯表代共王子于章侯遇其後更封  
——侯當卽此

莽曰歸思益

汶

說文祁國有——縣 應劭曰——水所出南入淮水經注——  
水首受蘄水于蘄縣東南流逕穀陽縣又東南逕——縣故  
城北又東南入於淮——音絞經之絞 師古曰音肴又高  
帝紀注音衡交反又王子侯表注音交又音交 後書陳  
寵傳注——縣故城在今虹縣西南——音戶交反 史記索

隱——音交 晉書音義胡交反 寰宇記濠城在今宿州  
虹縣西南七十八里卽漢——縣也 大清一統志——縣故  
城在今鳳陽府靈璧縣南五十里縣志云今爲濠城集——  
水在縣東南或曰卽今沱河

侯國

本書王子侯表——夷侯周舍武帝征和元年以趙敬肅王  
子封 新校地理志凡封趙王子皆分趙地齊王子皆分  
齊地一例也間有別封者此類是也或以周舍所封爲在  
常山石邑汶水非是 按史記惠景間侯表呂后元年封  
呂產爲郊侯索隱曰郊縣名屬沛郡一作汶今據本志沛  
郡——侯國——與郊同史表是也而本書外戚侯表作汶侯

呂產蓋以字形相似而譌師古卽音問汶是水名在齊魯境內不在沛也略不考正于史表疏謬極矣

垓下高祖破項羽

本書高帝紀五年十二月漢兵圍羽垓下李奇曰垓下沛郡一縣聚邑名應劭曰垓音該 史記索隱張揖三蒼注云垓堤名在沛郡 史記正義垓下是高岡絕巖今猶高三四丈其聚邑及堤在垓之側因取名焉今在亳州真源縣東十里與老君廟相接 元和志垓下聚在今宿州虹縣西南五十四里 寰宇記垓下在今虹縣西五十里有項王廟 大清一統志垓下聚在今鳳陽府靈璧縣東南舊志云在縣東南陰陵之南

莽曰有成

水經注釋漢志作有成水經注作育成並誤也此是莽改一縣曰有城耳師古曰一音有是也

沛

莊子孔子南之一見老聃 李斐曰一小沛也 水經濟水又東南過沛縣東北注云濟與泗亂故一納兩稱矣 水經注泗水又南逕小一縣東縣治故城南垓上東岸有泗水亭漢祖爲泗水亭長卽此亭也今有高祖廟廟前有碑班固爲文昔許由隱於沛澤卽是縣也蓋取澤爲名在泗水之濱于秦爲泗水郡治 又云泡水又東逕一縣故城南豐水於城南東注泗卽泡水也秦末兵起蕭何曹參

迎漢祖于此城述征記曰城極大四周塹通豐水 通典  
 今徐州一縣漢陽縣即廣戚故城 元和志今徐州一縣  
 本秦舊縣泗水即理於此漢興改名沛郡領三十七縣理  
 相城以此為小沛 九域志一在徐州西北一百四十里  
 胡氏通鑑注一郡治相縣而一自為縣屬一郡漢時人  
 謂一縣為小一劉備領豫州刺史屯小一是也 方輿紀  
 要一縣故城在徐州一縣東南微山下其山無石蔭然一  
 土岡耳漢高初起於此為一公後漢興平元年陶謙表先  
 主為豫州刺史屯小一建安初呂布奪徐州先主仍屯小  
 沛三年布遣兵拔一城四年先主取徐州復屯小一為曹  
 操所敗自是一縣皆兼小一之名蕭齊建武二年魏主宏

如小一是也 大清一統志一縣故城在今徐州府一縣

東

有鐵官

本書五行志成帝河平二年一郡鐵官鑄鐵鐵不下隆隆  
 如雷聲地陷數尺爐中銷鐵散如流星皆上去按一郡鐵  
 官即利國監也詳見楚國彭城縣

芑

應劭曰世祖更名臨睢睢水出焉 蘇林曰音忙遽之忙  
 續郡國志臨睢故一光武更名 水經注睢水又東逕一  
 縣故城北縣北與碭縣分水有碭山一碭二縣之間山澤  
 深固漢高祖隱此呂后望氣知之即是處也 師古曰一

音莫郎反 後書郅惲傳注一縣故城在今亳州永城縣  
北一名臨睢城 寰宇記一縣故城即今永城縣地 集  
韻作印縣 大清一統志一縣故城在今歸德府永城縣  
東北縣志云故一城俗呼為大睢城在縣東北甫城集  
按功臣侯表高祖六年封彭越為一侯即此

莽曰博治

水經注作傳治

建成

史記曹相國世家楚懷王封參為執帛號曰一一君索隱  
曰一一縣屬沛郡 水經注蘄水首受睢水于穀熟城東  
北東逕一一縣故城北 後漢書注一一故城在今鄆縣

西北 方輿紀要一一城在今亳州東北八十里 大清  
一統志一一故城在今歸德府永城縣東南

侯國

本書王子恩澤侯表一一定侯黃霸宣帝五鳳三年封注  
曰沛是也水經注作勃海誤 按王子侯表一一侯拾長  
沙定王子索隱曰表在豫章然則今本脫而水經曰在沛  
據本志二郡並有一一而屬沛者曰侯國則酈說是矣

城父

左傳僖二十三年楚伐陳取焦夷杜注焦今譙縣夷一名  
一一今譙郡一一縣也二地皆陳邑 又昭九年楚公子  
棄疾遷許於夷實城父杜注此時改一一為夷故傳實之



又三十年楚城夷以處徐子章羽 又三十一年吳人  
侵楚代夷 史記秦本紀二世二年遣司馬欣董翳佐章

邯殺陳勝於—— 又項羽本紀韓世信年乃從齊往劉

賈軍從壽並行屠—— 水經注澗水又東南逕——縣

故城北沙水枝分注沙水東南逕——縣西南枝津出焉

俗謂之章水 通典今亳州——縣春秋時陳國之夷邑

左傳楚靈王敗於乾谿卽此 大清一統志——故城在

今潁州府亳州東南 按楚有兩城父此所謂夷——取

諸陳者也故城在今亳州東南七十里土人名曰——村

又有北——詳見潁川郡城父縣 又按功臣侯表高帝

六年封尹恢爲——侯卽此 又按史記陳涉世家陳王

之汝陰還至下——其御莊賈殺以降秦續志山桑縣有

下——聚師古曰下——在——縣東考下城父聚在今

潁州府蒙城縣西北八十里以近故——縣故加下

夏肥水東南至下蔡

屬本郡

入淮

水經注淮水於壽陽縣西北肥水從城西北入於淮謂之

肥口淮水又北夏肥水注之水上承沙水于——縣右出

東南流逕——縣故城南春秋所謂夷田在濮水西者也

然則濮水卽沙水之兼稱得夏肥之通目矣 大清一統

志夏肥水自潁州府潁上縣界東南流入鳳陽府鳳臺縣

西北又東南入淮亦名西肥河 地理志稽疑漢志沛郡  
一一縣夏肥水此別是一水與九江成德之肥水無與也  
近志稱肥水曰東肥夏肥水曰西肥

過郡二

按一一與下蔡皆屬沛不得云過郡二也

行六百二十里莽曰思善

建平

水經注渙水又東逕一一縣故城南 後書姚期傳注一

一故城在今濮州鄆縣西北一名馬頭城 大清一統志

一一故城在今歸德府永城縣西南府志云在縣西南鄆

縣鄉

侯國

本書功臣侯表一一敬侯杜延年昭帝元鳳元年封注曰

濟陽誤也

莽曰田平

鄆

春秋襄十年公會諸侯及齊世子光于鄆 史記陳涉世

家葛嬰攻一下之徐廣曰在沛 說文鄆沛國縣从邑盧

聲 應劭曰音嗟 水經注渙水又東逕一一縣故城南

玉篇鄆祚柯切沛郡縣也亦作一 廣韻鄆縣名在譙郡

或作一一本音贊 師古曰此縣本爲鄆應說是也中古

以來借一字爲之耳讀皆爲鄆而莽呼爲贊治則此縣亦

有贊音 晉書音義一音才何反 元和志今亳州一縣  
本秦漢舊縣蕭何封一侯卽此邑也 大清一統志一縣  
故城在今歸德府永城縣西南縣志云今爲一縣鄉 按  
漢志一縣有二一在南陽一在沛郡索隱云蕭何初封沛  
之一音贊後其子續封南陽之鄜音嗟今據說文鄜沛國  
縣从邑盧聲與南陽之一形聲俱別漢志俱作一字而南  
陽之一孟康音讚沛郡之一應劭音嗟師古云此縣本爲  
鄜中古以來借一字爲之讀皆爲鄜而莽呼爲贊治則此  
縣亦有贊音錢竹汀謂沛郡之一亦有贊音乃後來借一  
爲鄜之故非本音也其說甚是考班固泗水亭銘云文昌  
四友漢有蕭何序功第一受封於一一與何同叶班氏漢

人必知本朝故實且封功臣當就本土張良封留可爲成  
例蕭何沛人自當封沛江統徂淮賦亦云吳鄜城而倚軒  
實蕭功之故國戴規辨字姚察訓纂並从其說定爲不謬  
故知小司馬謂何初封沛後嗣改南陽其說爲最當矣

莽曰贊治

栗

史記項羽本紀章邯破楚軍至一徐廣曰一縣名在沛  
又絳侯世家攻爰戚東緡以往至一取之 本書高帝紀  
沛公引兵至一韋昭曰一沛郡縣名也 水經注睢水又  
東逕一縣故城北 大清一統志一縣故城卽今歸德府  
夏邑縣治

侯國

本書王子侯表一侯樂武帝征和元年以趙敬肅王子封

莽曰成富

扶陽

通典漢一一縣故城在今徐州蕭縣西北 寰宇記一一

故城在蕭縣西南六十五里 大清一統志一一故城在

今徐州府蕭縣西南

侯國

本書恩澤侯表一一節侯韋賢宣帝本始二年封

莽曰合治

高侯國

王子侯表高質侯舜元帝建昭元年以梁敬王子封

高柴侯國

王子侯表一一節侯發元帝建昭元年以梁敬王子封

漂陽

如淳曰漂音票 按王子侯表有漂陽侯欽亦梁敬王子

元帝建昭元年封注曰沛據本志沛郡有一一而漂陽則

屬丹陽郡梁地不得至丹陽而沛郡實其境內表誤無疑

而師古卽音栗亦可笑矣

平阿

史記魏世家惠王三十五年與齊宣王會一一南 水經

注淮水又東逕當塗縣淮之西有一一縣故城郡國志云

——縣有當塗山是也 方輿紀要——城在鳳陽府懷遠縣北三十里戰國時齊邑 大清一統志——故城在今鳳陽府懷遠縣西南縣志云有——集在縣西南六十里——山下魏志譙州高塘郡有——縣在今天長縣及高郵州界蓋南北朝僑置非漢縣也

侯國

恩澤侯表——安侯王譚成帝河平二年封

莽曰平寧

東鄉

按王子侯表——節侯方元帝建昭元年以梁敬王子封即此

臨都

按王子侯表——節侯未央元帝建昭元年以梁敬王子封即此

義成

左傳昭二十七年令尹子常以舟師及沙汭而還杜注沙水名也 水經淮水又東逕當塗縣北渦水從西北來注之注云淮水於荆山北渦水自南注之又東北逕——縣東 又云沙水又東南過——縣西南入於淮注云沙水東流注於淮謂之沙汭——縣故屬沛後隸九江京相璠曰楚東地也 水經注北肥水又東南逕——縣南世謂之楮城非也其地富渦水入淮處亦名渦口 方輿紀

要澗口城今訛為拖城澗拖音韻聯而水經注又有楮城  
 之目殆字形之變耳 禹貢錐指按沙水在懷遠縣南渠  
 水篇云沙音蔡許慎正作沙音言水散石也續述征記汴  
 沙到浚儀而分汴東注沙南流至一一縣西南而東注於  
 淮謂之沙汴杜預曰沙水名也考漢一一故城在今懷遠  
 縣東北十五里今名拖城魏收志云汴水在大梁城東分  
 為蔡渠即今祥符縣東南首受汴之蔡河蔡與沙字異而  
 音近當讀如二百里蔡之蔡 大清一統志一一故城在  
 鳳陽府懷遠縣東北縣志云有拖城在縣東北十五里即  
 古澗口城亦即一一縣矣明統志謂在縣西北四十里者  
 誤 按功臣侯表宣帝竟寧元年封甘延壽為一一侯即

此

祁鄉

史記曹相國世家取礪狐父祁善置文穎曰穀熟有祁亭  
 善置置名也孫檢曰漢謂驛為置 晉灼曰祁音坻 括  
 地志故祁城在宋州下邑縣東北四十九里 大清一統  
 志一一故城在今歸德府夏邑縣東北縣志云今縣北有  
 祁邑縣

侯國

王子侯表一一節侯賢成帝永始二年以梁夷王子封  
 莽曰會穀

漢書地理志補注卷二十二

魏郡

常熟 吳卓信 編纂

寰宇記安陽縣魏郡城即漢以來為郡之所故城在今縣  
 東北 北道刊誤志北京大名府春秋時為晉地時為衛  
 魏二國之境秦以魏地置東郡以趙地置邯鄲郡漢高祖  
 使韓信定河北以秦邯鄲郡之南郡並東郡之邊縣置一  
 一 方輿紀要一一今彰德府及大名府是其地 大清  
 一統志一一故城在今彰德府安陽縣東北春秋晉獻公  
 始封畢萬於此為魏國 按漢一一今河南彰德府之安  
 陽臨漳武安沙內黃五縣衛輝府之濬縣又直隸廣平府

卷二十二  
之肥鄉邯鄲成安三縣及磁州大名府之大名元城清豐  
三縣又山東臨清州之邱縣皆其地

### 高帝置

水經注漢高帝十二年置——治鄴縣後分——置東西  
部都尉故曰三魏 後漢書岑彭傳注——秦時置故城  
在今相州安陽縣東北 方輿紀要——秦邯鄲郡地高  
帝析置 地理志稽疑——故屬秦河東郡高帝時十二  
年分置

### 莽曰魏城

按本書王莽傳習魏城大尹李焉

### 屬冀州

晉書地理志冀州按禹貢周禮並爲河內之地舜置十二  
牧則其一也春秋元命包云昴畢散爲冀州分爲冀州趙  
國其地有險有易帝王所都亂則冀安弱則冀強荒則冀  
豐舜以冀州南北闊大分衛以西爲并州燕以北爲幽州  
周人因焉及漢武置十三州以其地依舊名爲冀州

### 縣十八

鄴館陶斥邱沙內黃清淵魏繁陽元城梁期黎陽卽裴武  
始邯會陰安平恩邯溝武安

### 鄴

管子築五鹿中牟——以衛諸侯 史記始皇本紀十一年  
王翦等攻——取八城 又河渠書西門豹引漳水溉——以



富魏之河內 又魏世家文侯任西門豹守一而河內稱治 又安釐王十九年使晉鄙救趙邯鄲畏秦之強止壁于一 又趙世家悼襄王六年魏與趙一 九年秦攻鄴拔之 徐之才聖賢城家記翟滅邢齊桓公築一城以衛諸夏一由此始 水經濁漳水又東過武安縣南又東出山過一縣西注云司空一城本齊桓公所置管子曰築五鹿中牟一以衛諸夏是也後屬晉魏文侯七年始封此地漢高帝置一一治一縣今臨漳縣西南有古一城 水經注洹水自一東逕安陽縣故城北魏土地記曰一城南四十里有安陽城城北有洹東流者也 元和志今相州一縣本漢陽縣故城在縣東五十步春秋時齊桓公所築也濁漳水在縣北五里今天井堰卽西門豹遺址 九域志相州臨漳縣有一鎮 輿地廣記相州臨漳縣本漢一縣河朔訪古記臨漳縣本漢一縣地晉建興二年以愍帝諱改名臨漳 寰宇通志一城在臨漳縣西二十里 大清一統志一縣故城在今彰德府臨漳縣西

故大河在東北入海

蔡氏書傳周時河徙矜礫至漢又改向頓邱東南流與禹河迹大相背戾地志魏郡一縣有故大河在東北直達於海疑卽禹之故河孟康以爲王莽河非也 禹貢雖指故大河者卽主橫所云禹之行河水本隨西山下東北去者也河自汲縣南北流至黎陽縣西南出大伾上陽三山之

間蘇代謂之宿胥之口酈道元謂之宿胥故瀆李垂謂之西河故瀆濬縣舊志云在縣西十里蓋禹迹也自此而北歷蕩陰安陽鄴縣斥邳至列人斥章之境左會衡漳經所謂北過洺水也河自此東北入海及定王時南徙則衡漳東出循河故道而下至東光縣西與大河合王莽時河益徙而南漳水遂專達於海故斥章以下水經通謂之漳水西北歷平恩曲周鉅鹿經縣南宮堂陽扶柳信都昌成西梁桃縣鄴縣下博東鄉武強武隧武邑東昌有高阜城東成建成平浮陽至章武平舒入海蓋皆禹河之故道也說者皆以王莽河爲禹河謬矣 又云地理志一縣故大河在東北入海水經注宿胥故瀆受河於遮害亭東黎山西者卽王橫所云禹之行河隨西山下東北去者也自黎陽以下水經所稱大河故瀆一名北瀆俗謂之王莽河者卽周定王時所徙西漢猶行之王莽時遂空者也所稱河水自鉄邳南東北流至千乘入海者卽王景所治東海以後見行之河也禹河遺迹久失其傳漢魏諸儒皆以北瀆爲運河司馬遷知禹引河北載之高地而不知當時所行者非禹河王口知禹河隨西山下東北去矣而不能實指其地名班固知有一東故大河矣而不知其上承宿胥口酈道元知宿胥故瀆爲白溝矣而不知其下流卽一東之河杜佑知衡漳至肥鄉入河矣而不知其河卽北過降水之河故自大伾以下凡降水大陸九河逆河之所在皆不

得其真也 皇朝文獻通考史記河渠書謂禹導河至於大伾廝二渠以引河北載之高地二渠其一為漯川自黎陽大伾山南北流至千乘入海其一則河之經流自大伾山西南折而北流至列人斥章縣界合漳水自此東北入海今之肥鄉乃漢列人縣地今之曲周乃漢斥章縣地為禹河北過洺水處後世河益徙而南漳水遂專達於海故自列人斥章以下凡水經所載漳水經行之地皆禹河故道也 新校地理志此禹河也由故一縣東斥邳縣東至列人縣東得橫漳東北入於海王橫曰禹之行河水本隨西山下東北去此是也

館陶

左傳哀十五年齊伐晉取冠氏杜注冠氏晉邑今陽平一縣 水經注淇水又東北過一一縣北注云縣即春秋所謂冠氏縣 元和志今魏郡一一縣春秋時晉冠氏邑也趙時置館於其側因為縣名漢屬魏郡隋開皇中又分一一東界置冠氏縣因古冠氏邑名也 續通典一一城西北七里有陶邳亦曰陶山趙置館於邳側漢因以名縣 金史地理志一一縣有一一鎮即故縣也 方輿紀要一一故城在今臨清州四十里州一一縣西南四十里今名南一一 山東通志一一故城在今東昌府一一縣西南四十里今名南一一 大清一統志一一故城在今臨清州邳縣西南四十里遺址八里

河水別出爲屯氏河東北至章武

屬勃海郡

入海

本書溝洫志自塞宣房後河復北決於——分爲屯氏河東北經魏郡清河信都勃海入海廣深與大河等故因其自然不隄塞也 水經河之故瀆自沙邱堰南分屯氏河出焉 水經注大河故瀆北出爲屯氏河逕——縣東溝洫志曰自塞宣房後河復北決於——縣分爲——河其故瀆又東北屯氏別河出焉屯氏別河故瀆又東北逕信成縣張甲河出焉地理志曰張甲河首受屯氏別河於信成縣者也張甲故瀆北絕清河於廣宗縣又東北至修縣

東會清河屯氏別河自信成城南東北至繹幕縣南分爲二瀆其北瀆東北至信陽縣故城北而東注於海南瀆自平原城北首受大河故瀆東出亦謂之篤馬河東北至陽信縣故城南東北入海屯氏河故瀆東逕靈縣北又東北逕鄒縣與鳴犢河故瀆合地理志曰河水自靈縣別出爲鳴犢河者也 師古曰屯音大門反而隋氏析州縣誤以爲毛氏河乃置毛州失之甚矣 元和志屯氏河俗名毛河在——縣西二里夏津縣北 通典魏州貴鄉縣有屯氏河大河故瀆俗曰王莽河 九域志大名府元城——夏津三縣並有屯氏河 北道刊誤志屯氏河在——縣西三十里 今水經衛河一名御河漢名爲屯氏河源

出河南衛輝府輝縣西北七里蘇門山東流經衛輝府城北一里又東流淇水西北來注之又東流過大名府濬縣內黃界漳水入焉又東北入東昌府——縣西二里至臨清汶水即會通河北流入之過東昌府武城縣界入濟南府境逕德州城西北過河間府界去景州城東二十里歷故城吳橋東光縣境下至口州西流經興濟縣入青縣界合滹沱河又東北過靜海至武清與桑孔河合又東北入於海

大清一統志衛河舊名御河亦名永濟渠一名溝又名

清河源出河南輝縣西蘇門山柵刀泉東南流入新鄉縣界又東入衛輝府治汲縣界又東北經淇縣與淇水合流東北至濬縣城西又東北經滑縣內黃界又受洹漳二水

至山東之臨清州城西會於漕河至直沽入海 又云按

元和志謂永濟渠南自汲郡引清淇二水東北入臨清此

渠蓋漢屯氏故瀆也後人緣此爲說淇屯氏遂合爲一而

以水經注考之屯氏河自大河決出經——清淵之東而

東出清河縣之南清淇水經——清淵之西而出清河之

北今考衛河所行自臨清以上則皆古清淇也自臨清以

下行清河縣南則古屯氏也與元和志之言頗合然今衛

河自武城以下又皆清淇所行非屯氏所能至矣 按溝

洹志所言則屯氏河起於武帝晚年而鄭康成尙書注則

以屯氏河爲禹河故道今考——臨清清平高唐景州南

皮口州鹽山界中並有故屯氏河則屯河行清河之東故

瀆之西其爲禹河故道理或有之然鄴縣故大河在東北入海本志有明文禹河旣自宿胥口北行至鄴豈復東行至一一而與屯氏相接哉其非禹迹亦明矣 又按溝洫志元帝永光五年河決清河靈鳴犢口而屯氏河遂絕蓋屯氏河漢世絕後不復流行賴有水經注猶存故道而別河而南北二瀆而張甲河亦得附見否則遺迹罔知名稱莫辨如顏氏所云誤以屯氏河爲毛河乃置三州之失也

過郡四

過魏郡清河信都勃海四郡

行千五百里

斥邳

左傳昭二十八年公如晉次於乾侯杜注乾侯晉境內邑在魏郡一一縣 應劭曰有一一在西南 水經注漳水又東右逕一一縣北十三州志曰一一縣在魏郡東八十里地多斥鹵故曰一一 又云洹水又北逕一一縣故城西縣西南角有一一蓋因邳以氏縣也又屈逕其城北東北流注於白溝 後書袁紹傳注一一故城在今相州成安縣東南 元和志今相州成安縣本漢一一縣地故城在今縣東南三十里 史記正義相州成安縣東南三十里一一故城本春秋時孔侯之邑 方輿紀要一一城在今臨清州邱縣北四十里平邱山在縣治東小邱也縣因以名 大清一統志一一故城在今廣平府成安縣東南

舊志云在縣東南十三里 按王子侯表有陽邛侯安以文帝四年封而史表無之史表有瓜邛侯寧國索隱云在魏郡而本志魏郡無瓜邛疑是——之誤漢表有氏邛侯寧國卽史表之瓜邛侯寧國也氏邛亦——之訛 又按氏邛侯封十一年而薨十五年侯偃嗣十年爲景帝三年以反誅楊邛侯封十二年而薨十六年侯偃嗣十一年爲景帝四年坐出國界爲司寇嗣侯名爲偃其封薨與嗣總差一年一似氏邛之卽楊邛者未知史表脫一人歟抑漢表多一人也

莽曰利邛

沙

水經清漳水東過涉縣西屈從縣南 元和志今潞州涉縣本漢舊縣屬魏郡因縣南涉河水爲名 又云涉縣濁漳水一名涉河在縣南一里 方輿紀要涉縣在今磁州西二百里漢置一縣後漢因之後因漳水汎溢人民徙涉因改曰涉 大清一統志涉縣故城在今彰德府涉縣西北二里本漢沙縣後漢末始改曰涉 按一本古侯國漢置爲縣續志亦作沙三國時始有涉名魏志云太祖圍鄴涉長梁岐以縣降是也蓋字形相近相承互異耳水經注云漳水於此始有涉河之稱蓋名因地變也

內黃

史記趙世家肅侯十七年圍魏黃不克正義曰黃城在魏

州 又曹相國世家王武友於黃 本書溝洫志哀帝時

賈讓奏言一一界中有澤方四十里環之有隄往十餘歲

太守以賦民 應劭曰陳留有外黃故此加一一澤在西

水經淇水又東過一一縣南為白溝注云白溝又北左

合蕩水又東北流逕一一縣故城南縣右封黃澤郡國志

云縣有黃澤者也史記廉頗伐魏取黃即此縣 又云洹

水又東過一一縣北東入于白溝注云許慎說文呂忱字

林並云洹水出晉魯之間 元和志今相州一一縣本漢

舊縣魏以河北為內河南為外以陳留有外黃故此為一

一黃澤在縣西北五里今堙廢 地理通釋梁太祖幸河

北至一一顧李珽曰何為一一珽曰河南有外黃故此名

一一太祖曰外黃下黃何在珽曰秦有外黃都尉今在雍

邱下黃為北齊所廢今在陳留 戰國策補注外黃下黃

封邱皆屬陳留外黃有黃溝故指為黃池而一一隸相者

亦有黃溝水經注所謂河水決通口濟黃溝者也 方輿

紀要一一舊城在今大名府一一縣西北十八里戰國時

魏之黃邑也 大清一統志一一故城在今彰德府一一

縣西北縣志云在縣西北二十里

清河

水經注清水又東入於河謂之清口即淇河口也蓋互受

其名耳地理志曰清水出一一縣南無清水可來所有

者惟鍾是水耳蓋河徙南注清水瀆移滙流逕絕餘目尚



存故東川有清河之稱相嗣不斷曹公開白溝遏水北注  
方復故瀆矣 元和志——縣永濟渠本名白渠隋煬帝  
導爲永濟渠一名御河北去縣二百步 大清一統志衛  
水自衛輝府輝縣流入彰德府經湯陰縣東南五十里與  
濬縣接界又自濬滑二縣東北流經內黃縣西北又東北  
入直隸大名縣界其在——界者卽古淇水一名清河亦  
名永濟渠漢志內黃縣清水出南是也

清淵

應劭曰清河在縣西北 水經注淇水又東逕——縣故  
城西又歷縣之西北爲——故縣有——之名世謂之魚  
池城非也 北道刊誤志大名府臨清縣本漢——縣地

肇域記臨清州西四十里有——城漢縣也晉懷帝永  
嘉元年荀晞擊破汲桑於東武陽桑退保清淵卽此 方  
輿紀要——在今臨清州西南五十里晉志隋志俱作清  
泉唐人爲高祖諱也 大清一統志——故城在今臨清  
州西南州志云在州西南四十里

魏

水經注白溝又東洹水從西南來注之又北逕問亭東卽  
——界也——縣故城應劭曰——武侯之別都也城內有武侯  
臺 通典今——郡——縣本漢陽縣 輿地廣記左傳晉賜  
畢萬魏卜偃曰——大名也其地于今爲河中之永東非元  
城之——也五代後漢時以大名名此失矣 地理通釋按

舊唐書田悅稱一王以一州為大名府其失始此 明統志故一城在大名府西三十五里今為舊縣店 名勝志縣居洹漳二水下流衝決為患遷徙靡恒其故城一距縣東四十里今呼舊縣村一距縣南三十里遺址頽然或即洹水縣宋熙寧間省為洹水鎮 方輿紀要故一城在今大名府西三十里相傳一縣舊治此自漢以來皆屬一郡隋末宇文文化及自黎陽北趨一縣稱許帝於此後益徙而西此城遂廢今名舊縣店亦曰一店 大清一統志一縣故城有三漢隋唐地俱在今大名府大名縣西 按文穎曰一初封今河東河北縣其後為秦所逼徙都今魏郡一縣考史記及世本畢萬封一在河北昭子徙安邑惠王徙

大梁並無都一郡一縣者不知文說何所本也

都尉治莽曰魏城亭

繁陽

春秋襄二十年盟於澶淵杜注澶淵在頓邱縣南今名繁汙此衛地又近戚田 史記趙奢傳趙使廉頗伐魏一一拔之 應劭曰縣在一水之一 張姜曰其地為繁淵十三州志澶水在頓邱西南三十里伏流至繁城西南水經注河水左會浮水故瀆上承大河於頓邱縣而北出東逕一一故城南春秋盟於澶淵澶淵即繁淵也亦謂之浮水焉昔魏徙大梁趙以中牟易魏故志曰趙南至浮水一一即是瀆也 後書姚期傳注一一故城在今相州內

黃縣東南內黃故城在西北 括地志內黃故城在今相  
州內黃縣東北三十七里 通典內黃有繁河 方輿紀  
要——城在今大名府內黃縣東北二十七里戰國時魏  
地繁水在縣東二十六里舊自頓邱縣流入境又東北入  
東南縣卽浮水也 大清一統志——故城在今河南彰  
德府內黃縣東北澶水在今直隸大名府開州西南大河  
分流也一名繁水一名浮水 按——故城在今彰德府  
內黃縣東北二十七里古頓邱約畧在濬縣之南則澶淵  
之地當在內黃之南開州之北也往時大河經流於此五  
代時晉王李存勗于河之南北各築一城謂之夾河寨亦  
名德勝津宋眞宗時謂之南城北城盟契丹於澶淵卽此  
續郡國志于沛國杼秋縣下云故梁國有澶淵聚劉昭注  
補遂以春秋盟於澶淵實之考杼秋故在今江南徐州府  
蕭縣西七十里去直隸大名府開州不啻千有餘里其爲  
謬誤不待明者而後辨矣

元城

左傳僖十四年沙鹿崩杜注沙鹿山名陽平——縣東有  
沙鹿山在晉地 春秋成七年同盟於馬陵杜注馬陵衛  
地陽平——縣東南有地名馬陵 又定七年齊侯衛侯  
盟於沙傳作瑣杜注瑣卽沙也陽平——縣東南有沙亭  
史記魏世家惠王三十年齊用孫子計救趙擊魏魏使  
龐涓將而令大子申爲上將軍與齊人戰敗于馬陵虜申

殺涓 本書元后傳王翁孺自東平陵徙魏郡——委粟里為三老 應劭曰魏武侯公子元食邑於此因遂氏焉

水經注大河故瀆又東北逕——縣故城西北而至沙邱堰以沙鹿山而名也堰南分屯氏河出焉 通典今魏

州——貴鄉二縣並漢——縣地 九域志大名府——南東二縣並有大河故瀆 禹貢錐指水經大河故瀆東

北經——縣西北而至沙邱堰其下文曰至於大陸北播為九河酈注云郭東有五鹿墟故沙鹿春秋僖公十四年

沙鹿崩是也縣北貢沙邱堰者不遵其道曰降堰障水也播為九河自此始及齊桓霸世塞廣田居同為一河故自

堰以北館陶□邱兩般以東城地並存川瀆多亡今按水經以王莽河為禹河故以沙邱堰為禹迹推其意似謂古

河本東行禹作此堰以障之使北而九河自此播焉不遵其道是為障水唐人云河自貴鄉縣界分為九道宗此說

也然禹河不經——此堰必非禹所作黃文叔云今澶州臨河有縣隄自黎陽入北至恩州清河厯亭皆有之然則

障水者自——以北隄塌之水是也蓋以堰為縣所作或曰——為戰國魏地北與趙接壤賈讓云隄防之作近起

戰國雍防百川各以自利齊與趙魏以河為境趙魏瀕山齊地卑下作隄遏水使西泛趙魏趙魏亦為隄以防之沙

邱堰者疑趙所作以障水使不得北而注於齊魏所謂以鄰國為壑者也 大清一統志——故城凡三漢縣在沙

鹿旁隋治故殷城唐治王莽城皆在今——縣東又今大名府大名縣治亦漢——縣地

梁期

水經注漳水又東逕——城南地理風俗記曰鄴北五十里有——城故縣也 寰宇記——故城在今相州鄴北河南通志古——城在今彰德府臨漳縣東北二十里 大清一統志——故城在今廣平府磁州東 按史記項羽本紀注引張晏說作梁淇索隱云淇當作湛晉八王故事云王浚伐鄴前至梁湛蓋梁湛在鄴西四十里而梁淇在鄴北故并誤耳 又按功臣侯表武帝元鼎五年封任破胡爲——侯卽此

黎陽

臣瓚曰今——縣山臨河乃太伾也 晉灼曰黎山在其南河水經其東其山上碑云縣取山之名取水之陽以爲名也 水經河水又東北過——縣南注云黎侯國也今黎山之東北故城蓋——縣之故城也山在城西城憑山爲基東阻於河 隋書地理志——縣有大伾山 孔氏書正義釋山云再成英一成峿李巡曰山再重曰英一重曰峿鄭元云大峿在修武武德之界張揖曰成臯縣山也 臣瓚以爲修武武德無此山成臯縣山又不一成今——縣山臨河豈不是大峿乎瓚言當然 括地志大伾山今名——東山又名青壇山在衛州——縣南七里 通典

今衛州——縣漢舊縣有大伾山今名——東山張揖云  
成臯山卽大邳山謬也 元和志今衛州——縣古黎侯  
國漢以爲縣在——山北又相州臨河縣亦漢——縣地  
寰宇記黎侯寓衛居之故縣得名 九域志衛州——  
縣有大伾山 程大昌禹貢論大伾山張揖以爲在成臯  
薛瓚以爲在——山北竊意大伾山在大河垂欲趨北之  
地經之於河方其自北而東嘗卽華陰以記折東之始今  
其流東已遠垂欲折北亦當以地之極東者記之參揣其  
敘則——實爲軀當而成臯則爲太早也當以瓚記爲是  
寰宇通志衛河淇水合流至——故城爲黎水洛誥所  
謂我卜河朔黎水卽此 又云大伾山在大名府濬縣東  
三里禹貢所謂導河至於大伾卽此 方輿紀要大伾山  
在大名府濬縣城東黎陽白馬之津皆在其境昔爲天下  
要衝今則一望平陸耳 禹貢錐指大伾山一名——山  
今在濬縣東南二里卽賈讓所謂東山也 大清一統志  
——故城在今衛輝府濬縣東北大伾山在縣東南二里  
山高四十丈周五里亦曰黎山峯巘秀拔若倚屏障 按  
水經載禹貢山川澤地所在河南成臯縣有大伾山張氏  
之說蓋本此然本志無之知水經之說未諦矣

莽曰黎蒸

卽裴

應劭曰裴音非 王子侯表作柳裴注引鄭氏曰柳裴音

卽此肥鄉縣南五里 水經注漳水又東逕——縣故城  
南地理風俗記曰列人縣西南六十里有——城故縣也

廣韻——縣名應劭音非本又音陪 集韻——漢侯

國或作棊 山東通志——城在今斥邱縣城北 大清

一統志——故城在今廣平府肥鄉縣西

侯國

本書王子侯表擲裴戴侯道武帝征和元年以趙敬肅王

子封 按表注東海而志屬魏郡又為侯國且此侯為趙

王子趙魏相去不遠表注誤也

莽曰卽是

武始

史記秦本紀昭襄王十三年向壽伐韓取—— 括地志

——故城在今邯鄲縣西南五十里 大清一統志——

故城在今廣平府邯鄲縣西南 按王子侯表——侯昌

武帝元朔三年以趙敬肅王子封卽此據後漢書建武五

年張純亦封——侯而續志無此縣蓋尋省也

滏水東至邯鄲

屬趙國

入漳

戰國策吳起曰殷紂之國左孟門而右漳滏 史記趙世

家武靈王曰我先王阻漳滏之險立長城 北山經神麇

之山滏水出焉東流注於歐水 淮南地形訓金出景高

誘注景山在邯鄲西南金水所出南入漳其源沸湧勢如  
釜中湯故曰釜今謂之釜口 劉劭趙都賦清漳發源濁  
淦汨越 魏都賦北臨漳淦則冬夏異治注云淦水熱若  
出於釜故名 劉昭注補引水經鄴西北淦水熱故名淦  
口亦合漳之大川也 太平御覽引水經注淦水發源石  
鼓山南巖下泉源奮涌若釜之揚湯矣其水冬溫夏冷流  
注於漳謂之合河 元和志淦水出磁州淦陽縣西北四  
十五里鼓山亦名淦山太行八經茅四曰淦口卽此山嶺  
高深實爲險阨 寰宇通志神麇山在磁州西四十里以  
形似名淦水出此 大清一統志淦水源出廣平府磁州  
神麇山東北流經邯鄲縣東又東北經永年縣南曲周縣  
東又北經雞澤縣東又東北入順德府經平鄉縣東又北  
經任縣東又北入趙州經隆平縣東俗呼清水河又東北  
至寧晉縣東南滙於胡盧河 皇朝通志淦陽河卽淦水  
源出磁州西東北流經邯鄲縣東南又經廣平府城東肥  
鄉縣北曲周縣東南雞澤縣東平鄉縣東又北至鉅鹿縣  
西南有南泊水自順德府城邢臺縣來會又經鉅鹿縣西  
隆平縣東入北泊 水道提綱淦陽河卽淦水源出磁州  
西山中兩水合於彭城鎮之東東流經州城南又東北經  
邯鄲縣東南廣平府城東南肥鄉縣北曲周縣東南折而  
北經雞澤縣東平鄉縣東又西北至鉅鹿縣西南會南泊  
水又東北經鉅鹿縣西隆平縣東入北泊



又有拘澗水東南至邯鄲

屬趙國

入白渠

應劭曰拘音矩 水經注白渠水經邯鄲縣南又東與拘

澗水合水導源——東山白渠之北俗謂是水爲拘河

餘詳趙國邯鄲縣下

邯會

史記趙世家惠文王十七年樂毅攻魏伯陽 張晏曰漳

水之別自城西南與邯山之水會今城旁猶有溝渠在也

水經注濁漳水又東北逕西門豹祠前方與枝水合其

水上承漳水于——西而東別與邯水今水發源邯山東

北逕邯會縣故城西北注漳水故曰——也 師古曰邯

音下安反 括地志伯陽故城一名——城在相州鄴縣

西三十五里七國時魏邑也 方輿紀要——城在廣平

府肥鄉縣西南二十里 大清一統志——城在今彰德

府安陽縣西北本魏伯陽城也

侯國

王子侯表——衍侯仁武帝元朔二年以趙敬肅王子封

陰安

水經注大河故瀆又北逕——縣故城西 括地志——

故城在魏州頓邱縣北六十里 胡氏通鑑注——城一

名頓邱故城蓋以故頓邱亦嘗治此也 大清一統志——

一故城在今大名府清豐縣北舊志云在縣北二十里  
按王子侯表武帝元朔三年封濟北貞王子不害爲一一  
侯恩澤侯表元朔五年封衛不疑爲一一侯並卽此

平恩

水經注漳水又東北逕一一縣故城西 又云淇水又東  
北逕一一縣故城西東地理風俗記曰縣故館陶之別鄉  
也漢宣帝地節三年置 元和志今洺州一一縣本漢舊  
縣 金史地理志曲周縣有一一鎮 大清一統志一一  
故城在今臨清州邱縣西

侯國

恩澤侯表一一載侯許廣漢宣帝地節三年封

莽曰延平

邯溝

水經注一一歷一一縣故城東蓋因溝以氏縣也地理風  
俗記曰卽裴城西北二十里有一一城故縣也 師古曰  
邯水之溝 舊唐書地理志肥鄉漢一一縣地 寰宇記  
一一故城俗名桓公城在肥鄉縣北西十里 大清一統  
志一一故城在今廣平府肥鄉縣西北

侯國

王子侯表邯溝節侯偃趙頃王子宣帝地節三年封師古  
曰邯音寒葍音溝 按葍溝古通用

武安

史記秦本紀昭襄王二十九年封白起為——君 又三

十六年趙奢救闕與秦軍軍——西鼓譟勒兵——屋瓦

皆震 又四十八年王齮伐趙取—— 又項羽本紀懷

王以沛公為碭郡長封——侯 徐廣曰——屬魏郡在

邯鄲西 水經清漳水東至——縣南黍宰邑入于濁漳

濁漳水又東過——縣南注云漳水于縣東清漳水自涉

縣東南來流注之世謂決入之所為口漳口也 括地志

——故城在今洺州——縣西南七里六國時趙邑也

元和志今磁州——縣本七國時趙地趙將李牧封——

君即此縣也漢屬魏郡故城在今縣西南六里又滏陽縣

亦——縣地 寰宇記通志磁州在彰德府城北七十里

本漢——縣地漢縣在州北一百二十里 方輿紀要——

——故城在今縣西南五十里 大清一統志——故城在

今河南彰德府——縣西南又直隸廣平府磁州亦武安

縣地 按王子侯表楚思王子受封——侯恩澤侯表田

蚡封——侯並即此

欽口山白渠水所出東至列人

屬廣平國

入漳

水經注白渠水出——縣欽口山東南流逕邯鄲縣南又

東與拘澗水合又東牛首水入焉逕列人右會漳津今無

水 大清一統志今邯鄲以下滏陽河所經蓋即白渠故

道也

又有濳水東北至東昌

屬信都國

入虜池河

說文濳水出魏郡——東北入呼沱水从水窳聲籀文作

變 師古曰濳音子衽反虜音呼池音徒河反 按濳水

在今彰德府——縣東三十里下流合滏水滏水所行皆

濳水也

過郡五行六百一里

過魏趙廣平鉅鹿信都五郡

有鐵官

續志——有鐵 九域志磁州——縣有鐵冶務

莽曰桓安

鉅鹿郡

方輿紀要——秦郡今順德府及真定府南境是其地

按漢——今直隸順德府之平鄉廣宗鉅鹿唐山任

五縣保定府之束鹿縣正定府之晉州趙州之隆平寧晉

二縣冀州之新河縣皆其地 又按漢泰山都尉尹宙碑

分趙地爲鉅鹿後魏弔比干文碑陰有鉅鏹伯魏祐北史

有鉅鏹郡守元道龍則鹿字之加金旁其來已久廣韻一

屋部鏹字注云鉅鏹郡名漢書只作鹿而顧寧人謂鉅鹿

之鹿不當从金亦未之深考也

常熟 吳卓信 編纂

秦置

水經注秦始皇二十五年滅趙以為——漢因之地  
理志稽疑——故秦郡楚漢之際屬趙國尋屬常山國後  
屬趙國高帝三年屬漢四年復以屬趙國高后六年復故  
文帝元年復屬趙國景帝三年復故四年復屬趙國後以  
支郡收

屬冀州縣二十

鉅鹿南緜廣阿象氏慶陶宋子楊氏臨平下曲陽貫縣新  
市堂陽安定敬武厯鄉樂信武陶柏鄉安鄉

鉅鹿

戰國策蘇厲曰燕距沙邱而至——之界三百里 史記

殷本紀紂盈鉅橋之粟服虔曰鉅橋倉名許慎曰——水  
之大橋有漕粟也 又始皇本紀二世二年章邯北渡河

擊趙王歇等於—— 又項羽本紀將卒二萬渡河救——

大破秦軍 本書五行志平帝元始二年隕石——二

應劭曰鹿林之大者也 臣瓚曰山足曰鹿 水經注

衡漳水又北逕——縣故城東應劭曰鹿林之大者堯將

禪舜納之大麓之野縣取名焉又北逕巨橋邸閣西昔武

王伐紂發鉅橋之粟即此 後書光武紀注——縣故城

在今冀州鹿城縣東 括地志邢州平鄉縣城本漢——

城也路溫舒縣之東里人 元和志平鄉縣西至邢州九

十里秦為——郡張耳與趙王歇走入——城王離圍之

卽此地也 舊唐書地理志平鄉漢一郡故郡城在今  
縣北十一里古一一城卽今治也 大清一統志一一故  
城卽今順德府平鄉縣治

禹貢大陸澤在北

禹貢恒衛旣從大陸旣作 又北過降水至於大陸 爾  
雅十藪晉有大陸郭注今一一北廣阿澤是也孫炎曰廣  
阿猶大陸以地名言之爲近是也 呂氏春秋九藪趙之  
一一高誘注廣阿澤也 水經注鄭弇注尙書引地說云  
大河東北流過絳水千里至大陸爲地腹如志之言大陸  
在一一也 孔氏書正義大陸在一一縣北春秋魏獻子  
田於大陸還卒於甯杜氏嫌一一絕遠以爲汲郡修武縣

吳澤甯卽修武然此二澤相去正遠所以得爲大陸者以  
爾雅廣平曰陸但廣而平者則名大陸故異所而同名焉  
澤形卑下得以廣平爲陸者雖卑下旁帶廣平之地故  
統名焉元和志大陸澤一名一一在今邢州一一縣西北  
五里其澤東西二十里南北三十里葭蘆菱蓮魚蟹之類  
充牣其中澤畔又有鹹泉煮而成鹽百姓資之 寰宇記  
廣阿澤一名大陸一名一一一名大麓一名沃川 方輿

紀要大澤澤在今趙州隆平縣東北三十里自順德府一  
縣流入境至寧晉縣爲胡蘆河縣有廣阿大澤之名以  
此舊志云縣北有肖莊泊東北七里又有小泊與大陸諸  
水皆浸鄉也孫炎云一一北廣阿澤去古河絕遠杜佑李

吉甫以邢趙深三州皆古大陸地此爲得之 禹貢雖指大陸地也非澤也以地爲澤自班固始安國於冀州云地名而導河又云澤名前後違戾反若乞靈於班固者朱子疑孔傳爲後人僞撰有以也若爾雅十藪自當主澤言孫炎解不誤穎達引以證經之大陸則誤耳然自禹河徙後去古日益遠大陸不知所在賴有其澤名大陸猶可因澤以表地耳穎達謂澤雖卑下旁帶廣平之地故統名焉此說得之 又云冀州有三大陸一在鉅鹿郡北班固繫諸禹貢又名鉅鹿澤呂氏春秋云趙有鉅鹿又名廣阿澤爾雅晉有大陸孫炎云今一一縣廣阿澤是也此真禹貢之大陸也一在河內修武縣左傳定公元年魏獻子田於大

陸還卒於寧杜預云大陸卽吳澤陂近寧是也一在太原鄆縣班固云九澤在縣北是爲昭餘祁鄆元云呂氏春秋謂之大昭是也斯二者皆非禹貢之大陸也 尙書地理今釋大陸澤跨今直隸保定府東鹿縣順德府鉅鹿縣正定府隆平縣寧晉縣深州上承滹沱滏陽漳唐諸河水滙爲巨浸又東北流爲新漳河至大城縣爲子牙河至天津衛入海 大清一統志大陸澤又名廣阿澤在今順德府任縣東北與一一縣及趙州隆平縣接界舊志云在今任縣東北十里許周數十里諸河之水皆滙於此一名小東湖又名張家泊 皇朝通志北泊卽大陸澤西受槐河西南受滏陽南泊水南受漳水支津北受滹沱河至冀州北



東北流經衡水武強北又至獻縣南分二派以會於直沽  
水道提綱北泊卽古大陸澤亦曰——亦曰廣阿西受  
槐河於寧晉南西南受滏陽南泊水於隆平東北南受漳  
水支津於新河西南而北受滹沱於東鹿南至冀州北東  
北流經衡水武強北又東北至獻縣南分爲二派以會於  
直沽東入海實北方大澤也自西南而東北長百餘里南  
北三百餘里或二十餘里俗稱寧晉北泊其上流曰葫蘆  
河卽漳水也大陸村在寧晉東北古口水舊道南入泊  
紂所作沙邱臺在東北七十里

史記殷本紀紂益廣沙邱苑臺多取野獸蜚鳥置其中大  
聚樂戲於沙邱以酒爲池懸肉爲林使鼓男女僕相逐其  
間爲長夜之飲 又始皇本紀三十七年七月崩於沙邱  
平臺徐廣曰趙有沙邱宮在——武靈王死處 又趙世  
家惠文王四年主父及王遊沙邱異宮公子章作亂公子  
成殺章圍主父三月餘餓死沙邱 水經注衡水又逕  
沙邱臺東紂所成也在——故城東北七十里趙武靈王  
與秦始皇並死於此 括地志沙邱臺在今邢州平鄉縣  
東北二十六里 大清一統志沙邱臺在今順德府平鄉  
縣東北舊志云今平鄉東北有王固岡岡東北十餘里有  
大平臺村其東又有小平臺村卽故沙邱臺遺址

南緣

左傳哀四年齊國夏伐晉取欒杜注欒晉邑在趙國平棘

縣西北本樂武子封邑其後南徙因曰——孟康曰繚音良全反 蘇林曰繚音人手足攣躄之攣 師古繚音力專反 後書光武紀注——今俗謂之倫城聲之轉也 通典今邢州鉅鹿縣本漢——縣地漢鉅鹿縣今平鄉縣也 集韻——古作孳 大清一統志——故城在今順德府鉅鹿縣北漢武帝封趙敬肅王子佗為侯國光武與王郎將戰于——即此元和志以鉅鹿為漢——地舊唐志又以鉅鹿為即漢——故城任縣為漢——地其說雖殊皆不離乎鉅鹿也至後漢書注所云在邢州柏人縣東北者乃後趙所改置舊志又謂在趙州柏鄉縣東北者亦誤 莽曰富平

廣阿

後書光武紀注——故城在今趙州象城縣西北 隋志趙州大陸縣舊曰——大業初改 元和志今趙州昭慶縣本漢——縣——澤在縣東二十五里故縣取名焉 方輿紀要——城在今趙州隆平縣東十里光武初拔——登樓與鄧禹閱天下地圖處也 大清一統志——故城在今趙州隆平縣東縣志云在縣東十二里俗呼舊城村 尚書後案高誘注呂氏春秋云鉅鹿藪即——澤考此郡所屬又有——縣殆因此澤而名歟 按功臣侯表高帝十一年封任敖為——侯即此

象氏

趙記舜弟象嘗居此故名 寰宇記故象城在昭慶縣西

北三十里 大清一統志——廢縣在今趙州隆平縣東

北二十五里

侯國

王子侯表——節侯武帝元朔三年以趙敬肅王子封

莽曰寧昌

廩陶

說文廩安止也从广嬰聲鉅鹿有——縣 師古曰廩音

一并反 晉書音義上音嬰下音遙 後書桓帝紀注——

故城在今趙州——縣西南 寰宇記——故城在今

趙州寧晉縣南二十九里 大清一統志——故城在今

趙州寧晉縣西南舊志云在縣西南二十五里

宋子

史記燕世家燕軍至——趙使廉頗擊破之 又刺客傳

高漸離變名姓為人庸保匿作于——宋子傳客之 水

經注白渠水又東逕——縣故城北又謂之宋子河昔高

漸離自此入秦也 後書光武紀注——故城在今趙州

平棘縣北三十里 河朔訪古記趙州東北三十里平棘

縣境有漢——故城即秦高漸離匿作而歌之所也 大

清一統志——故城在今趙州北舊志云在州東北二十

五里城址尚存 按功臣侯表高帝八年封許惲為——

侯即此

莽曰宜子

楊氏

後書孟敏傳注十三州志曰一一縣在魏郡北地 元和

志今趙州定晉縣本春秋時晉一一邑漢以為縣 寰宇

記趙州晉寧縣本漢一一縣 大清一統志一一故城即

今趙州寧晉縣治 按漢一一廢縣即今趙州寧晉縣治

而括地志云春秋時為晉邑魏獻子使僚安為一一大夫

寰宇記云伯僑自晉歸周即此皆誤也此楊城即漢河東

郡之楊縣在今山西洪洞縣東南非鉅鹿之一一縣也

莽曰功陸

臨平

魏書地形志曲陽縣有一一城 通典漢一一縣故城在

今定州彭城縣東南 大清一統志一一故城在今正定

府晉州東南後漢紀建武四年進幸臨平即此

下曲陽

左傳昭十二年晉荀吳滅肥以肥子縣臯歸杜注鉅鹿一

一一縣西有肥纍城古肥國白狄別種 又昭十五年晉

荀吳滅鮮虞圍鼓杜注鼓白狄別種鉅鹿一一有鼓聚

戰國策全趙之時一一為燕 東觀漢紀王莽分鉅

鹿為和成郡居一一以邳彤為卒正 水經注白渠枝

水又東逕一一城北十三州志曰常山有下曲陽故此

云下 括地志一一故城在定州鼓城縣西五里元和

志今恒州鼓城縣本春秋時鼓子國白狄別種也漢爲一  
縣 隋志趙郡鼓城縣舊曰曲陽後齊廢開皇十六  
年分置晉陽縣十八年改爲鼓城 寰宇記一一一廢城  
在今鎮州鼓城縣西 大清一統志一一一故城在今正  
定府晉州西 日知錄左傳昭十二年晉荀吳僞會齊師  
者假道於鮮虞遂入昔陽秋八月壬午滅肥杜氏謂鮮虞  
白狄別種在中山新市縣又謂鉅鹿一一一有肥壘城是  
也其曰昔陽肥國都樂平沾縣東有昔陽城則非也疏載  
劉炫之言以爲齊在晉東僞會齊師當自晉而東行假道  
鮮虞遂入昔陽則昔陽當在鮮虞之東也樂平沾縣在中  
山新市西南五百餘里何當假道於東北之鮮虞而反入  
西南之昔陽也旣入昔陽而別言滅肥則肥與昔陽不得  
爲一安得以昔陽爲肥國之都也昔陽旣是肥都何以復  
言鉅鹿一一一有肥壘城謂肥名取於彼乎肥爲小國境  
必不遠豈肥名取鉅鹿之城而建都於樂平之縣也十五  
年荀吳伐鮮虞圍鼓杜云鼓白狄之別種鉅鹿一一一有  
鼓聚炫謂肥鼓並在鉅鹿晉陽郡卽是鼓都在鮮虞以東  
南也二十二年傳云秦吳使師僞糴者負甲以息於昔陽  
之門外遂襲鼓滅之則昔陽爲鼓都斷可知矣漢志鉅鹿  
一一一應劭曰晉荀吳滅鼓今鼓聚昔陽亭是也水經注  
泝水東逕肥壘縣之故城南又東逕昔陽城南本鼓聚十  
三州志曰今其城昔陽亭是矣京相璠曰白狄之別也一

一一有鼓聚其說皆同史記趙世家惠文王十六年廉頗將攻齊昔陽取之夫昔陽在鉅鹿故屬之齊豈得越太行而有樂平乎 高士奇曰漢沾縣屬上黨郡晉屬樂平郡地在太行之東去中山絕遠故劉炫駁之如此蓋杜見滅肥之文繫於入昔陽之下遂疑昔陽為肥都而不復計其乖於滅鼓之傳今按前後漢志及水經注所稱皆同劉說當從之

都尉治

貫

水經注白渠水又東謂之斯口水東分為二水枝津右出東南流謂之百尺溝又東南逕一城西 又云白渠枝水

又東逕一縣入斯口水 師古曰音式制反 索隱曰音

世一音時夜反 通典漢一縣城在今深州鹿城縣西南

大清一統志一縣故城在今保定府東鹿縣西南漢高

帝六年封越將傅胡喜為侯邑後漢更始二年光武馳赴

信都擊堂陽一縣皆降即此

鄆

舊作鄆誤 說文續志水經注皆作一 說文一鉅鹿縣

名从邑臬聲 玉篇作鄆輕彫切鉅鹿郡有鄆縣 廣韻

縣在鉅鹿 集韻一牽么切或作鄆 師古曰音苦么反

又差臬反 晉書音義口堯反 水經注衡漳水又北逕

一故城東地理風俗記曰縣北有一阜蓋縣氏之 後書

光武紀注——縣屬鉅鹿郡故城在今冀州鹿城縣音苦堯反 又竹書紀年云衛鞅封於——臣賢按下文云吳漢將突騎來會清陽又追至館陶並與——地相近俗本多誤作鄔而蕭該音一古反云屬太原郡臧矜又作鄔音一建反屬襄陽郡並誤也 隋書地理志鹿城縣舊曰——寰宇記漢——縣廢城在今鎮州東鹿縣東 大清一統志——縣故城在保定府東鹿縣東舊志云在縣東北二十里 按鄔是——之誤觀真定國縣蔓縣下分注作——可見說文云——鉅鹿縣名顏氏詳其音而不詳其形何也

莽曰秦聚

新市

史記楚世家考烈王七年至新中秦兵去索隱曰趙地無名新中者疑中當作市 水經注白渠枝水俗謂之祇水其水承白渠於藁城縣之烏子堰又東逕新豐城北地理志鉅鹿有——縣而無新豐之目所未詳矣 後書光武紀注——縣故城在今恒州東北 按中山國亦有——

縣

侯國

王子侯表——康侯吉昭帝元鳳五年以廣川繆王子封 按注曰堂陽應是分堂陽縣置

莽曰市樂

水經注作樂市

堂陽

應劭曰在堂水之陽 水經注衡漳水自沙邱堰分為二水其一水北出經縣故城西其一水東北注出石門謂之長蘆水蓋變引葭之名也長蘆水東逕一一縣故城南今縣故城南更無別水惟是水東出可以當之蓋包堂水之兼稱矣 後書光武紀注一一故城在今冀州鹿城縣西南 元和志今冀州一一縣本漢舊縣按長蘆水亦謂之堂水在縣南二百步縣因取名焉 九域志冀州南宮縣有一一鎮 方輿紀要一一渠在故縣南三十里或曰卽堂水也據唐志一一渠景龍初新開自鉅鹿入縣界又東北入南宮縣卽堂水故瀆矣 大清一統志一一故城在

今冀州新河縣西按水經注漳水自南宮北流始至一一元和志一一縣東至冀州六十五里以道理考之疑卽今新河縣治舊志謂在南宮縣西南二十里者誤 按功臣侯表高帝十一年封孫赤爲一一侯卽此有鹽官

方輿紀要漢一一縣有鹽官蓋以地近廣阿澤也嘗分爲涇縣

大清一統志今順德府廣宗縣漢鉅鹿一一縣地元和志云後漢分一一于今縣西二十里置涇縣後魏并入南宮孝文又分經置西涇縣北齊省隋復置涇城在今廣平府威縣界是漢之涇卽後魏之西涇也 按水經注云漳



水又歷涇縣故城西據續志安平國有涇縣而前志無之  
志於——縣下云嘗分爲涇縣蓋前漢時已置是縣旋廢  
而後漢時復置也

安定

元和志深州鹿城縣東至州二十五里本漢——縣地  
舊唐書地理志東鹿縣本漢安定侯國今縣西七里故城  
是也 方輿紀要——城在今冀州西南 大清一統志  
——故城在今保定府東鹿縣西北舊志云在縣西北三  
十里後漢馬武從世祖擊尤來五幡等進至——卽此

侯國

王子侯表——戾侯賢宣帝本始元年以燕戾王子封

敬武

水經注白渠水又東逕——縣故城北漢元帝封女——  
公主爲湯沐邑十三州記曰楊氏縣北四十里有——亭  
故縣也今其城實中小邑耳故俗名之曰——壘卽古邑  
也 大清一統志——故城在今趙州東北

歷鄉

水經注百尺溝水逕——東入泝湖 魏書地形志廩陶  
縣有歷城 一統志——故城在今趙州寧晉縣東二十  
五里

侯國

王子侯表——康侯必勝宣帝神爵四年以廣川繆王子

封

莽曰歷聚

樂信

水經注白渠水又東逕——縣故城南又云斯口水又東北逕樂信縣故城南又東入衡水 一統志——廢縣在今保定府東鹿縣東

侯國

王子侯表——頃侯強宣帝神爵三年以廣川繆王子封武陶侯國

王子侯表——節侯朝宣帝五鳳元年以廣川繆王子封柏鄉

舊唐書地理志漢——城在今縣西南十七里 寰宇記

——故城在今邢州堯山縣東北二十二里與趙郡柏鄉縣東西中分爲界 一統志——故城在今順德府唐山縣東北趙州柏鄉縣西南

侯國

王子侯表——戴侯買元帝竟寧元年以趙哀王子封

安鄉

水經注白渠枝水又東逕——縣故城南 一統志——故城在今正定府晉州東

侯國

王子侯表——孝侯喜元帝竟寧元年以趙哀王子封



聖